

Na osnovu člana 16. stav 2. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 7/10 i 3/23), a u vezi sa članom 35. stav (2) i članom 52. Zakona o izvršavanju Budžeta Zeničko-dobojskog kantona za 2026. godinu („Službene novine Zeničko-dobojskog kantona“, broj: 24/25), na prijedlog Ministarstva za prostorno uređenje, promet i komunikacije i zaštitu okoline, Vlada Zeničko-dobojskog kantona, na 122. sjednici, održanoj 27.03.2026. godine, d o n o s i

O D L U K U

o usvajanju Programa utroška sredstava „Subvencije javnim preduzećima JP „Televizija Zeničko-dobojskog kantona“ d.o.o. Zenica“

Član 1. (Predmet)

Usvaja se Program utroška sredstava u razdjelu 19 – Ministarstvo za prostorno uređenje, promet i komunikacije i zaštitu okoline, budžetska organizacija 01, potrošačka jedinica 0001, ekonomski kod 614400, pozicija „Subvencije javnim preduzećima JP „Televizija Zeničko-dobojskog kantona“ d.o.o. Zenica – Izvor 10“, Budžeta Zeničko-dobojskog kantona za 2026. godinu („Službene novine Zeničko-dobojskog kantona“, broj: 24/25 i 5/26), u ukupnom godišnjem iznosu od 1.000.000,00 KM (slovima: jedanmilion konvertibilnih maraka) i čini sastavni dio ove odluke.

Član 2. (Način realizacije sredstava)

Sredstva planirana ovim programom utroška sredstava, realizovat će se isključivo u skladu sa realizacijom ostvarenih javnih prihoda u Budžetu Zeničko-dobojskog kantona u prethodnom mjesecu, planovima novčanih tokova Budžeta Zeničko-dobojskog kantona, te mjesečnim i kvartalnim operativnim planovima izvršenja Budžeta odobrenim od strane Ministarstva finansija, osim u izuzetnim slučajevima odobrenim posebnim aktima Vlade Zeničko-dobojskog kantona.

Član 3. (Realizacija Odluke)

Za realizaciju ove odluke zadužuju se Ministarstvo za prostorno uređenje, promet i komunikacije i zaštitu okoline i Ministarstvo finansija, svako u okviru svojih nadležnosti.

Član 4. (Stupanje na snagu)

Odluka stupa na snagu danom donošenja i objavit će se u „Službenim novinama Zeničko-dobojskog kantona“.

Broj: 02-11-6297/26

Datum, 27.03.2026. godine

Zenica

PREMIJER

Nezir Pivić

DOSTAVLJENO:

1x Ministarstvo za prostorno uređenje, promet i komunikacije
i zaštitu okoline,

1x Ministarstvo finansija,

1x JP TV ZDK, putem Ministarstva,

1x „Službene novine Zeničko-dobojskog kantona“,

1x a/a.

PROGRAM UTROŠKA SREDSTAVA

„Subvencije javnim preduzećima JP „Televizija Zeničko-dobojskog kantona“ d.o.o. Zenica“

Član 1.

(Svrha Programa)

Svrha Programa je da se odobrena sredstva iz Budžeta Zeničko-dobojskog kantona za 2026. godinu („Službene novine Zeničko-dobojskog kantona“ broj: 24/25 i 5/26), sa razdjela 19 - Ministarstvo za prostorno uređenje, promet i komunikacije i zaštitu okoline, budžetska organizacija 01, potrošačka jedinica 0001, ekonomski kod 6144, pozicija „Subvencije javnim preduzećima JP „Televizija Zeničko-dobojskog kantona“ d.o.o. Zenica – Izvor 10“ (subanalitika TVZ001) u ukupnom godišnjem iznosu od 1.000.000,00 KM, koriste za implementaciju Odluke o osnivanju Javnog preduzeća „Televizija Zeničko-dobojskog kantona“ d.o.o. Zenica, broj: 01-02-12720/25 od 30.06.2025. godine, odnosno utvrđenim sredstvima osigurava se obavljanje poslova iz djelokruga rada Javnog preduzeća.

Član 2.

(Visina sredstava)

Visina sredstava utvrđenih ovim programom o utrošku sredstava iznosi 1.000.000,00 KM (slovima: jedanmilion konvertibilnih maraka).

Član 3.

(Izvor sredstava)

Izvor sredstava: Budžet Zeničko-dobojskog kantona za 2026. godinu („Službene novine Zeničko-dobojskog kantona“ broj: 24/25 i 5/26), razdjel 19, budžetska organizacija 01, potrošačka jedinica 0001 – Ministarstvo za prostorno uređenje, promet i komunikacije i zaštitu okoline, ekonomski kod 6144, pozicija „Subvencije javnim preduzećima JP „Televizija Zeničko-dobojskog kantona“ d.o.o. Zenica – Izvor 10“ (subanalitika TVZ001), kolona „Izdaci iz budžeta – izvor 10“.

Član 4.

(Kriterij utroška)

Kriteriji utroška sredstava: Po nalogima Ministarstva zasnovanim na potraživanjima sredstava od strane Javnog preduzeća „Televizija Zeničko-dobojskog kantona“ d.o.o. Zenica, a u skladu sa odredbama ugovora/sporazuma kojim će se definirati prava i obaveze Ministarstva i Javnog preduzeća. Dinamika utroška sredstava bit će utvrđena mjesečnim/kvartalnim operativnim planovima.

Član 5.

(Kategorija korisnika sredstava)

Kategorija korisnika sredstava: Skupština Zeničko-dobojskog kantona, Odlukom, broj: 01-02-12720/25 od 30.06.2025. godine, osnovala je Javno preduzeće „Televizija Zeničko-dobojskog kantona“ d.o.o. Zenica, od javnog interesa za Zeničko-dobojski kanton.

Član 6.

(Realizacija sredstava)

Za realizaciju sredstava po ovom programu zadužuju se Ministarstvo za prostorno uređenje, promet i komunikacije i zaštitu okoline i Ministarstvo finansija, svako u okviru svojih nadležnosti.

Član 7.

(Izveštavanje)

Javno preduzeće „Televizija Zeničko-dobojskog kantona” d.o.o. Zenica, u skladu sa članom 22. Odluke o osnivanju Javnog preduzeća „Televizija Zeničko-dobojskog kantona” d.o.o. Zenica („Službene novine Zeničko-dobojskog kantona“ broj: 10/25) dužno je najmanje jednom godišnje Osnivaču da podnosi Izvještaj o radu i poslovanju Preduzeća koji uključuje finansijski izvještaj i izvještaj revizora, Nadzornog odbora i Odbora za reviziju.

O utrošku sredstava po ovom programu, nakon što o provedenim aktivnostima Javno preduzeće nadležnom ministarstvu podnese izvještaj, Ministarstvo za prostorno uređenje, promet i komunikacije i zaštitu okoline, dužno je polugodišnje izvještavati Vladu Zeničko-dobojskog kantona.

Član 8.

(Namjena sredstava)

Sredstva za implementaciju Odluke o osnivanju Javnog preduzeća „Televizija Zeničko-dobojskog kantona” d.o.o. Zenica, broj: 01-02-12720/25 od 30.06.2025. godine, utrošit će se kako slijedi:

R/B	Opis	Planirana sredstva/KM
1.	Visina osnivačkog uloga, kojeg će JP „TV ZDK“ d.o.o. Zenica, kao osnovni kapital prenijeti na transakcijski račun preduzeća i s njim raspolagati u skladu sa Zakonom propisana je članom 13. Odluke o osnivanju Javnog preduzeća „Televizija Zeničko-dobojskog kantona” d.o.o. Zenica („Službene novine Zeničko-dobojskog kantona“ broj: 10/25).	10.000,00
2.	Članom 15. Odluke o osnivanju Javnog preduzeća „Televizija Zeničko-dobojskog kantona” d.o.o. Zenica („Službene novine Zeničko-dobojskog kantona“ broj: 10/25) propisano je finansiranje djelatnosti JP „TV ZDK“ d.o.o. Zenica. Sredstva će se koristiti za plate i naknade troškova zaposlenih, doprinose poslodavca, izdatke za materijal i usluge, ugovorene usluge i ostale nespomenute dadžbine, kao i sve ostale nespomenute rashode i izdatke na uspostavljanju novoosnovanog preduzeća, te za formiranje materijalne osnove potrebne za obavljanje poslova iz djelokruga rada JP „TV ZDK“ d.o.o. Zenica.	990.000,00
	UKUPNO:	1.000.000,00

Javno preduzeće „Televizija Zeničko-dobojskog kantona” d.o.o. Zenica je odgovorno za namjensko, zakonito i svrsishodno planiranje i trošenje dodijeljenih budžetskih sredstava. Ukoliko se utvrdi da su dodijeljena budžetska sredstva nenamjenski utrošena JP TV ZDK je u obavezi izvršiti povrat sredstava.

PREMIJER

Broj: 02-11-6297/26

Datum, 27.03.2026. godine

Zenica

Nezir Pivić

DOSTAVLJENO:

1x Ministarstvo za prostorno uređenje, promet i komunikacije
i zaštitu okoline,

1x Ministarstvo finansija,

1x JP TV ZDK, putem Ministarstva,

1x „Službene novine Zeničko-dobojskog kantona“,

1x a/a.